

Ժողովուրդ

93
(2759)

28 հունիսի չորեքշաբթի 2023
տպագրության ԺԲ տարի

✉ ք. Երևան, Արմյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ՀԱՅԿ ՄԱՐՈՒԹՅԱՆԸ ՈՐՈՇՈՒՄ ՈՒՆԻ



Դերասան, Երևանի Նախկին քաղաքապետ Հայկ Մարությանը օրերս վերադարձել է Հայաստան եւ Երևանի ավագանու ընտրություններին մասնակցելու որոշման հանգել: «Ժողովուրդ» օրաթերթի տեղեկություններով՝ Մարությանը երկար մտորումներից հետո վերջնական որոշում է կայացրել ավագանու առաջիկա ընտրություններին մասնակցելու վերաբերյալ: Մեր աղբյուրները տեղեկացրին, որ Մարությանը, մերժումներ ստանալով ՀԱԿ-ի, ՀԺԿ Նախագահ Ստեփան Դեմիրճյանի կողմից, որոշել է դիմել «Ինքնիշխան Հայաստան» կուսակցության Նախագահ Դավիթ Սանասարյանին: Վերջինս համաձայնել է, եւ սեպտեմբերի 17-ին Երևանի Նախկին քաղաքապետ կրկին կփորձի իր ուժերը Երևանի ավագանու ընտրություններին: Տեղեկացանք նաեւ, որ Մարությանն առաջիկայում կհանդիպի թիմակիցների հետ ու կհայտնի իր այս որոշման մասին: «Ժողովուրդ» օրաթերթի աղբյուրները փոխանցում են, որ Մարությանը դժվար է վերջնական որոշում կայացրել. սկզբում մտերիմներին ասել է, որ իրեն դերասանի մասնագիտությունն ավելի հարագատ է, չի ցանկանում վերադառնալ քաղաքապետարան, բայց մտափոխվել է: «Ժողովուրդ» օրաթերթը երկ փորձեց տեղեկությունը ճշտել հենց Հայկ Մարությանից, բայց նրան գրված մեր Նամակները եւ արված հեռախոսազանգերը դեռ անպատասխան են:

«Ժողովուրդ» օրաթերթին հայտնի դարձավ, որ ՀՀ պաշտպանության Նախկին փոխնախարար Ալիկ Միրզաբեկյանը երեկ ներկայացել է ՀՀ հակառակորդության դատարան: Նրան՝ որպես վկայի, ՀՀ պաշտպանության Նախկին Նախարար Դավիթ Տոնոյանի դեմ հարուցված քրեական գործով ծանուցում էին ուղարկել մի քանի անգամ դատարան ներկայանալու համար, սակայն նա առողջական խնդիրների պատճառով հրաժարվել էր ներկայանալուց: Եւ, ահա, երեկ վերջապես ներկայացել է դատարան, հայտնել, որ առողջական խնդիրներ ունի, ուստի դարձյալ չի կարող ներկայանալ դատարան: Հիշեցնենք, որ «Ժողովուրդ» օրաթերթը գրել էր՝ պաշտպանության Նախկին Նախարար Դավիթ Տոնոյանի եւ ՊՆ Նախկին պաշտոնյաների քրեական գործով դատարան են կանչվել Սեյրան Օհանյանը եւ ՊՆ որոշ աշխատակիցներ: Սեյրան Օհանյանը ներկայացել է եւ հարցաքննվել, ՊՆ աշխատակիցների հարցաքննությունը շարունակվում է: Հավելենք, որ Ալիկ Միրզաբեկյանը 2016 թվականին, Սերժ Սարգսյանի հրամանով, ազատվել էր ՀՀ պաշտպանության Նախարարի տեղակալ-նյութատեխնիկական ապահովման դեպարտամենտի պետի պաշտոնից: Ըստ լուրերի՝ Միրզաբեկյանը սպառնալիության եւ սննդամթերքի մատակարարման գնումները շուկայականից բարձր գներով էր իրականացրել:



«Ժողովուրդ» օրաթերթը անդրադարձել էր Գյումրու Նախկին քաղաքապետ Սամվել Բալասանյանի ավագ որդու՝ գործարար Միսակ Բալասանյանի՝ Իրաքի դեսպան նշանակվելու եւ Գյումրիում իշխանությունն ամբողջովին ԶՊ-ին տալու մասին լուրերին: Մեզ հաջողվեց կապ հաստատել գործարար Միսակ Բալասանյանի օգնական Ռաֆֆի Ասլանյանի հետ, որը մեզ փոխանցեց, թե դեսպանի կամ այլ պաշտոնի նշանակվելու մասին տարատեսակ լուրեր եւ ասեկոսեներ վերջին 10 տարիներին պարբերաբար հրապարակվում են, որոնց Մ. Բալասանյանը միշտ նույն պատասխանն է տալիս՝ պատրաստ է իր ունեցած հնարավորությունների շրջանակներում ծառայել իր երկրին, օգտակար լինել իր ժողովրդին, իսկ կոնկրետ Իրաքի դեսպան նշանակվելու մասով առայժմ մեկնաբանություն չունեն: Գյումրիում իշխանությունն ամբողջովին ԶՊ-ին զիջելու մասին մեր հարցին ի պատասխան՝ մեր գրուցակիցը փոխանցեց, որ իշխանությունն առաջին հերթին պատասխանատվություն է, եւ գյումրեցիների քվեն սակարկման, փոխանակման ենթակա չէ:



Հետաքրքիր զուգահեռությամբ Հայաստանում պաշտոնի նշանակված անձինք բնակարանի եւ ավտոմեքենայի տեր են դառնում պաշտոնավարման ընթացքում: Բնապահպանության եւ ընդերքի տեսչական մարմնի ղեկավար Հովհաննես Մարտիրոսյանը եւս պաշտոնավարման տարիներին բնակարան է ձեռք բերել: «Ժողովուրդ» օրաթերթը պաշտոնական աղբյուրներից տեղեկացավ, որ վերջին երեք տարում մեկ բնակարան եւ մեկ մեքենա է գնել Հայաստանի հանքարդյունաբերության ոլորտի թիվ մեկ վերահսկող պաշտոնյան: Մասնավորապես, 2022 թվականի հայտարարագրի համաձայն՝ Հովհաննես Մարտիրոսյանը Մալաթիա-Սեբաստիա վարչական շրջանի Նորակառուցում 2021 թվականին տուն է գնել: Դրանից մեկ տարի առաջ՝ 2020-ին, 2006 թվականի արտադրության «Մերսեդես» մակնիշի ավտոմեքենա է գնել: Չնայած սրան՝ նա տարվա վերջում բանկային հաշիվներին ունեցել է ընդամենը 309 հազար դրամ, իսկ կանխիկ դրամ ընդհանրապես չի հայտարարագրել: Տեղեկացնենք, որ Մարտիրոսյանի եկամուտը մեկ տարվա ընթացքում կազմել է 16 մլն դրամից ավել գումար, որը գոյացել է նրա աշխատավարձից ու ոստիկանությունից ստացված կենսաթոշակից: Հավելենք, որ տեսչական մարմնի ղեկավարն այդ պաշտոնին նշանակվել է 2021 թվականի ապրիլին, որից առաջ տարբեր պաշտոններ է զբաղեցրել ՀՀ ոստիկանության համակարգում: Հիմա համակարգում է մի ուրրտ՝ հանքարդյունաբերություն, որի հետ մասնագիտական որեւէ առնչություն չունի:



ԶՐՈՒՅՑ

ՄԵՅՐԱՆ ՕՂԱՆՅԱՆԸ ՄԱՆՐԱՄԱՄՆՈՒՄ Է

Երեկ Նիկոլ Փաշինյանը գնացել էր 44-օրյա դասերագմի հանգամանքներն ուսումնասիրող քննիչ հանձնաժողով, որտեղ նա դասախոսանք է հանձնաժողովի անդամների հարցերին: Նիկոլ Փաշինյանի հայտարարությունների վերաբերյալ «Ժողովուրդ» օրաթերթը գրուցել է «Հայաստան» խմբակցության դասգամավոր Մեյրան Օհանյանի հետ:

-Պարոն Օհանյան, Նիկոլ Փաշինյանը քննիչ հանձնաժողովում պատասխանում է հարցերին եւ ասում, որ մինչեւ վերջին պահը ՉԸ պետք զեկուցել է, որ մեր բանակը պատրաստ է իր առջեւ դրված խնդիրը կատարել, եւ որ ինքը տրամադրել է այն, ինչ իրենից ուզել են: Նաեւ զեկուցել են իրեն, որ պատերազմի հավանականությունը 30% է: Այս մասին ի՞նչ կասեք:

-Սկսեմ վերջից. նախ՝ պատերազմի հավանականության վերաբերյալ կարող եմ ասել հետեւյալը. դա իրենց գնահատականը պետք է լիներ, բայց 2020 թվականի մայիսի սկզբից մինչեւ հուլիսը եւ էլ տարբեր առաջարկներ են ներկայացրել 33 ՊՆ, ԱՅ ՊԲ եւ ԱՅ ղեկավարությանը պաշտպանության եւ պատերազմին նախապատրաստվելու ուղղությամբ եւ ջանքերը ավելի գործնական դարձնելու եւ ավելի հետեւողական լինելու համար: Այսինքն՝ պատերազմի հավանականությունը միշտ էլ եղել է եւ այսօր էլ կա: Մենք ամեն ինչին պետք է պատրաստ լինենք:

Այն, որ բանակը պատրաստ է եղել մարտնչելու, միանշանակ է, եւ տարիների գործադրած ջանքերը բերել են նրան, որ, նախ, բանակը իր առջեւ դրված խնդիրը առաջին գծում իրականացրել է: Բանակն ապահովել է իր կայուն զարգացումը, եւ դա երեւացել է մարտական հերթապահության ժամանակ, երբ սահմանում մերոնք խնդիր են կատարել: Դա երեւացել է գործավարությունների, գործահանդեսների ժամանակ: Իսկ ինքը, որ ասում է՝ ամեն ինչ արել է, նախ՝ առաջինը՝ կարծում եմ,



որ ոչինչ չի արել ամենակարեւոր խնդիր ուղղությամբ: Նա պետք է խորությամբ տիրապետեր իրավիճակին, ընկղմվեր խնդիրների մեջ, որոնք ուղղված են ռազմաքաղաքական իրավիճակի գնահատմանը եւ նաեւ պետությունը ռազմաքաղական ռեզերվի վրա դնելու ուղղությամբ՝ աջակցելով բանակին: Իսկ ինքը ամենակարեւոր չի իրականացրել. ինքը չի լուծել մոբիլիզացիոն խնդիրներ:

Զորահավաքի հիմնական նպատակը պատերազմին զուգահեռ բանակին թիկունք կանգնելն է եւ մոբիլիզացիայով անընդհատ համալրելն է: Խոսքը վերաբերում է նաեւ սանիտարական կորուստներին, իսկ սանիտարական կորուստները երկու ուղղությամբ են լինում՝ վերադարձվող եւ ոչ վերադարձվող: Վերադարձվող սանիտարական կորուստները տարբեր աստիճանի վիրավորներն են, հիմնակա-

նում թեթեւ, իսկ ոչ վերադարձվողները ծանր վիրավորներն են ու զոհերը: Ինքը ոչինչ չի արել բանակը համալրելու, մոբիլիզացնելու համար: 44 օրվա ընթացքում իրենք կարողացել են միայն իրականացնել 1 օրվա մոբիլիզացիան:

Տարիներով ձեւավորված մոբիլիզացիոն համակարգը իրենք փոխել են կամավորական ջոկատներով բանակի համալրման, իսկ կամավորական ջոկատները չունեն այդ պատրաստակամությունը:

Ի՞նչ է նշանակում համալրում եւ զորահամալրումը: Այսինքն՝ երբ բանակի հիմնական կազմը կա, օրինակ՝ եթե դասավորվում կա 6 հոգի, եւս 10-ը պետք է համալրվեն: Այդ 10 հոգին շատ արագ կարող են կանգնել մնացածի թիկունքին, ներդաշնակվել նրանց հետ եւ կազմել կոռն ստորաբաժանում:

Հրուցեց ՔՐԻՍՏԻՆԱ ՍՈՒՇԵՂՅԱՆԸ



«ՔԱՂԱՔԱՎԱՐԱԿԱՆ ԱՅՑ» ԲՈՒՆԿԵՐՈՒՄ



«Երբ պատերազմը սկսվել է, կինս ինձ ասել է, որ ես չեմ կարող Երեւանում պարապ մնալ», - ԱԺ քննիչ հանձնաժողովի նիստում հայտարարեց վարչապետ Նիկոլ Փաշինյանը՝ անդրադառնալով սոցցանցերում տարածված տեսանյութերին, որ պատերազմի ժամանակ բունկերում գտնվել են մարդիկ, որոնք այնտեղ գտնվելու իրավունք չունեն, մասնավորապես՝ իր կին Աննա Յակոբյանը: Փաշինյանի ներկայացմամբ՝ Աննան Յակոբյանն իրեն ասել է, որ կգնա եւ ինտարվորության դեպքում մարդկանց օգնություն ցույց կտա: «Այդ օրերին ահագին մարդիկ՝ կանայք, լքել էին Ստեփանակերտը: Իմ կնոջ՝ այնտեղ գտնվելու սիմվոլիկ իմաստն այն է եղել, որ նաեւ մենք այնտեղ մեր ներկայությունն ապահովենք», - պատմեց Փաշինյանը՝ նշելով, որ այդ ընթացքում Աննա Յակոբյանը շփվել է նաեւ Լեռնային Ղարաբաղի ղեկավարության հետ: Այդ ժամանակ էլ գաղափար է հնչել, որ Աննա Յակոբյանը գնա բունկեր, որ հրամկազմը տեսնի, որ Յայաստանի վարչապետի կինը Ստեփանակերտում է: «Եղել են մարդիկ, ովքեր կարծել են, որ դա դրական ներգործություն կունենա, եւ որոշվել է «քաղաքավարական այց» անել հրամկազմին. այդ քաղաքավարական այց է եղել, գնացել է, բարեբե է, ոգեւորել է, 10-15 րոպե մնացել է եւ դուրս եկել», - նշեց նա:

ՀԱՆԴԻՊՈՒՄ

ԲՈՒՆԻՔԵՍԹԱԳԻ ՊԱՏԳԱՄԱՎՈՐՆԵՐԸ ԵՎ ԻՐԱՎԻՃԱԿԸ՝ ԱՐՑԱՄՈՒՄ

ՀՀ ԱԺ մարդու իրավունքների դասախոսության եւ հանրային հարցերի մասնակց հանձնաժողովի նախագահ, անկուսակցական Թագուհի Թովմասյանը հունիսի 27-ին հանդիպել է Գերմանիայի Բունդեսբազի դասգամավոր Մերլե Շպերլերբերգի զվխավորած դասվիրակության հետ:



Հանձնաժողովի նախագահը հյուրերին ներկայացրել է Արցախում ստեղծված իրավիճակը, կարեւորել արցախահայերի անվտանգության ապահովման ու ինքնորոշման իրավունքի ճանաչման հրամայականը, հայտնել, որ Յայաստանը եւս ինքնիշխանության ու տարածքային ամբողջականության պահպանման խնդիր ունի:

Մերլե Շպերլերբերգը հատկապես հետաքրքրվել է, թե որքանով են մեր երկրում պաշտպանված կանանց, մարզինալ խմբերի, փոքրամասնությունների, բնապահպանության ոլորտում մարդու իրավունքները:

Թագուհի Թովմասյանը պատասխանել է, որ կանայք թիրախավորված են Յայաստանում: Թեեւ օրենսդրությունը նախատեսում է պաշտպանել բոլորի իրավունքները, բայց ոչ միշտ են մարզինալ խմբերն իրենց իրավունքների խախտումների մասին հայտնում իրավապահներին:

Պատգամավորն անդրադարձել է նաեւ բաց հանքերի շահագործման խնդրին՝ նշելով, որ արտանետումները վնասակար ազդեցություն են ունենում քաղաքացիների առողջության վրա:

Մերլե Շպերլերբերգն անդրադարձել է նաեւ Ստամբուլյան կոնվենցիային ու հետաքրքրվել, թե ինչու 33 ԱԺ-ն մինչ օրս այն չի վավերացրել:

Այս կապակցությամբ հանձնաժողովի նախագահը տեղեկացրել է, որ Յայ առա-

քելական սուրբ եկեղեցին դեմ է արտահայտվել կոնվենցիայի ներածական մասին՝ անհնար դարձնելով դրա վավերացումը, քանի որ Յայաստանն առաջինն է ընդունել քրիստոնեությունը՝ որպես պետական կրոն, եւ եկեղեցու հետ հակադրվել հանրության կողմից չի կարող ընկալվել:

Հանդիպմանը բարձր է գնահատվել Ազգային ժողովի համագործակցությունը Գերմանիայի Բունդեսբազի հետ:

ՆՈՐ ԳՐԲՈՐԾ՝ ՎՐԱԵՐԹԻ ԳՈՐԾՈՎ

ArmLur.am-ին հասած տեղեկությունների համաձայն՝ 33 քննչական կոմիտեն նոր քրեական գործ է հարուցել 33 վարչապետ Նիկոլ Փաշինյանի ավտոշարասյան կողմից վրաերթի ենթարկված եւ մահացած հոգի կնոջ՝ Սոնա Մնացականյանի գործով:

Քրեական վարույթով Սոնայի հորը՝ Մնացական Մնացականյանին, ճանաչել են տուժող: Վարույթը նախաձեռնվել է մայիսի 18-ին: Այսինքն՝ բացի վարորդի վերաբերյալ այս պահին դատարանում քննվող վարույթից, արդեն իսկ նախաձեռնված է նոր քրեական վարույթ շարասյան ղեկավար կազմի մեղավորության հարցի քննարկման նպատակով:

Եվ, ահա, մեզ հասած տեղեկությունների համաձայն՝ այս քրեական գործով իրավապահների տեսադաշտում է Պետական պահպանության ծառայության պետ Սարգիս Յովհաննիսյանի տեղակալ Գրիգոր Առաքելյանը, ինչից հետո իրավապահ համակարգը նոր քրեական գործ հարուցեց:

ԻՐԱՎԻՃԱԿ

ՀԱՅՏԱՐԱՐԱԳԻՐ

ԳՐԻԳՈՐԻ ՄԻՆԱՍՅԱՆԻ ԲՆԱԿԱՐԱՆՆԵՐԸ

ԻՐԱՎԻՃԱԿԸ՝ ՍՈՒՔԻ ՀԱՆՔՈՒՄ

«Ժողովուրդ» օրաթերթի խմբագրությունը պարբերաբար ահազանգեր է ստանում Գեղարքունիքի մարզի Սոթք հանքավայրի աշխատակիցներից: Վերջիններս մեզ հետ զրույցում պատմեցին, որ արդեն երեք ամիս է՝ հանքի բաց աշխատանքները դադարեցվել են, իսկ փակ հանքը շարունակում է իր գործունեությունը:

Տեղի բնակիչների խոսքով՝ մոտ 300-ից 350 աշխատակից արդեն ստացել է աշխատանքից ազատման հրամանները: Մեր զրուցակիցները նշում են, որ մնացել են առանց աշխատանքի, իսկ հունիս ամսից վերջնական դադարեցվել է աշխատավարձերի փոխանցումները:

«Անելանելի վիճակում եմք, բաց հանքի աշխատողները հանքի աշխատակիցների մեծամասնությունն են կազմում, իսկ փակ հանքում աշխատողների քանակը շատ քիչ է, եւ եթե Կառավարությունը քայլեր չձեռնարկի, ստիպված պետք է արտագաղթենք մեր հայրենի գյուղերից, մեր օջախներից: Ոչ մեկ մեզ համար պատասխանատվություն չի կրում. այսինքն վերջ, թուրքն հասավ իր նպատակին...», - գայրացած նշեցին մեր զրուցակիցները:

Նշենք, որ Սոթքի հանքավայրի աշխատակիցների մեծամասնությունը սահմանային Կախանկ, Սոթք, Կուրթ, Ակունք եւ մի շարք այլ գյուղերի բնակիչներ են:

Հիշեցնենք, որ արդեն տեսական ժամանակ է, ինչ թշնամին թիրախավորել է Սոթքի հանքը. երբ փորձում են վերսկսել աշխատանքները, կրակ է բացում հանքի աշխատակիցների եւ տեխնիկայի ուղղությամբ:

ԼԻՂԱ ԵՐԻԱԶՍՐՅԱՆ

ՀԱՆԳԻՊՈՒՄ՝ ՄԻՐԻԱՅԻ ԳԵՍՊԱՆԻ ՀԵՏ

Անահիտ Ավանեսյանն ընդունել է Հայաստանում Սիրիայի Արաբական Հանրապետության նորանշանակ դեսպան Նորա Արիսյանին:

Շնորհավորելով վերջինիս՝ նախարարը նշել է, որ երկու ժողովուրդների միջեւ առկա են ավանդական, բարեկամական հարաբերություններ, սակայն առողջապահության ոլորտում համագործակցությունը ամրապնդելու կարիք կա: Դեսպանը նշել է, որ Սիրիայի՝ տասը տարուց ավելի տեսած պատերազմից առավելապես տուժել է առողջապահության ոլորտը. կան բազմաթիվ խնդիրներ. «Թեեւ վերջին տարիներին փորձեր են արվում վերականգնելու Սիրիայի առողջապահական համակարգի բնականոն աշխատանքը, Հայաստանում առաջապահության ոլորտը բավականին արագ զարգանում է, ուստի ձեր փորձն ու բարեկամական օժանդակությունը Սիրիայի համար կարեւոր են»:

Կոնրետ ուղղություններով համագործակցությունը զարգացնելու համար նախարարն առաջարկել է մշակել նախագիծ եւ ակտիվացնել համագործակցությունը. «Հայաստանը սիրով ընդունել է Սիրիայից ուսանողներին, որոնք նաեւ կամուրջ են երկկողմ հարաբերությունների ամրապնդման համար, ուստի պատրաստ ենք շարունակելու աջակցությունը մեր երկրում նրանց բժշկական կրթությունը կազմակերպելու հարցում», - նշել է Անահիտ Ավանեսյանը:

Արդարադատության նախարար Գրիգոր Մինասյանը 2022 թվականի հաշվետու տարվա հայտարարագիր ներկայացրել է սույն թվականի մայիսի 16-ին, իսկ նախարարի դաշնոնը ստանձնել է 2022 թվականի դեկտեմբերի 26-ին, ինչպես նաեւ հայտարարում:

Մինասյանը տարեկազմին հայտարարագրել է 14 անշարժ գույք, որից 9-ը՝ բնակարան, որից մեկը՝ Հունաստանում, մեկը՝ Բուլղարիայում, 3 ավտոտնակ եւ 1 ավտոկայանատեղի, 1 հասարակական նշանակություն ունեցող շինություն: Տարվա ընթացքում օտարվել է Կոտայքի մարզի Շաղկաձոր քաղաքի բնակարանը, եւ նոր բնակարան է ձեռք բերել Երեւանում:

Մինասյանը հայտարարագրել է մեկ մարդատար մեքենա՝ Toyota մակնիշի, 2013 թվականի արտադրության: Մինասյանը գնել է բաժնեմաս Եվա Առաքելյանից, ով ԲԴԽ խորհրդի նախագահի կինն է: Կարելի է նկատել, որ Մինասյանը մինչ պաշտոնը զբաղեցնելն էլ եղել է բավականին ապահովված: Նրա հայտարարագրած թանկարժեք գույքն ընդհանուր առմամբ կազմում է 65 հազար դոլար եւ 15 մլն դրամ: Հավելենք նաեւ, որ ամբողջը նվիրատվություն է՝ երեք արվեստի գործ եւ երկու ժամացույց:

Նախարարի կանխիկ դրամական միջոցները տարեվերջին կազմել են 20 հազար դոլար, 2 հազար եվրո, 10 մլն դրամ: Մինասյանի տարեկան եկամուտները կազմել են 161 մլն 651 հազար դրամ: Ամենամեծ եկամուտը նախարարը ստացել է Միքայել Բեգլարի Մինասյանից 109 մլն 478 հազար դրամ: Նա ստացել է նաեւ աշխատանքի վարձատրություն 33 արդարադատության նախարարությունից՝ 13 մլն 476 հազար դրամ, եւ «Էլ Էմ» իրավա-



բանական ընկերությունից՝ 173 հազար դրամ, եւ նույն կազմակերպությունից ստացել է վարձակալության դիմաց գումար եւ շահաբաժին՝ 23 մլն 575 հազար դրամ:

Ստացված վարկերի եւ փոխառությունների մայր գումարի մնացորդը հաշվետու տարվա դեկտեմբերի 31-ի դրությամբ կազմել է 665 հազար դրամ: Հանգստի համար կատարած ճանապարհածախսի եւ կեցության գումարը կազմել է 3 մլն 700 հազար դրամ, իսկ անշարժ գույքի վերանորոգման համար կատարված ծախսերը կազմել են 9 մլն 500 հազար դրամ: Պաշ-

տոն զբաղեցնող անձի մասնակցությամբ առեւտրային կազմակերպությունում բաժնեմասը հավատարմագրային կառավարման հանձնել է Նարինե Սարգսյանին մինչեւ 2024 թվականին:

Գրիգոր Մինասյանը հայտարարագրել է նաեւ միանվագ ծախսեր, որոնք կազմում են 46 մլն 800 հազար դրամ: Նա նաեւ հանդիսանում է «Փրոֆ Թաքս» ՍՊԸ 100% բաժնետեր եւ ««Էլ Էմ» իրավաբանական ընկերություն» ՍՊԸ-ում՝ 60%: «Փրոֆ Թաքս» ՍՊԸ-ի տնօրեն Մարիա Ստեփանյանը Գրիգոր Մինասյանի կինն է:

ԷՄՄԱ ՄԻՔԱՅԵՆՅԱՆ

ՕՐՎԱ ԽՃԱՆԿԱՐ

ԱԳ ԽՈՄՆԱԿԸ ԳԱՏԱՊԱՐՏՈՒՄ Է

ՀՀ ԱԳ նախարարության խոսնակ Անի Բաղալյանը թվիթերյան գրառմամբ անդրադարձել է Հայաստանի մարդու իրավունքների պաշտպան Անահիտ Մանասյանի գրառմանը՝ խոշտանգումների գոհեղի աջակցության միջազգային օրվա կապակցությամբ: Մանասյանը դատապարտել է Ադրբեջանի քաղաքականությունն այնտեղ պահվող հայ գերիների եւ քաղաքացիական անձանց նկատմամբ:

«Հատուկ ուշադրություն պետք է դարձնել Ադրբեջանի քաղաքականությանը այդ հանրապետությունում պահվող հայ ռազմագերիների եւ քաղաքացիական անձանց նկատմամբ խոշտանգումների եւ անարդարացի վերաբերմունքի վերաբերյալ», - գրել է Մանասյանը:

Ի հավելումս այդ գրառման՝ ՀՀ ԱԳ նախարարը նշել է. «Իրավապաշտպան կազմակերպությունները նաեւ կոչ են արել անհապաղ ազատ արձակել բոլոր ռազմագերիներին»:

ՀԱՆԳԻՊՈՒՄ՝ ՌԳ-ՈՒՄ ՀՀ ԳԵՍՊԱՆԻ ՀԵՏ

ՌԳ ԱԳ փոխնախարար Միխայիլ Գալուզինն ընդունել է ՌԴ-ում ՀՀ արտակարգ եւ լիազոր դեսպան Վաղարշակ Հարությունյանին. այս մասին հայտնում են ՌԴ ԱԳ նամուլի ծառայությունից: Տեղի է ունեցել մտքերի փոխանակում երկկողմ օրակարգի արդիական թեմաների, Լաչինի մի-



ջանքքում եւ ընդհանուր առմամբ Լեռնային Ղարաբաղում իրավիճակի զարգացման շուրջ:

Ընդգծվել է հայ-ադրբեջանական հարաբերությունների կարգավորման վերաբերյալ ՀՀ, ՌԴ եւ Ադրբեջանի ղեկավարների՝ 2020-2022 թթ. ձեռք բերված բոլոր պայմանավորվածությունների անկասելի պահպանման կարեւորությունը:

ԱՄԵՐԻԿՅԱՆ ԿՈՂՄԸ ԲԱՆԱԿՑՈՒԹՅՈՒՆՆԵՐԻ ՄԱՍԻՆ

Ամերիկյան կողմը մի շարք հարցեր ունի, որոնք կցանկանար քննարկել: «Զու-

նարկումները, որոնք կանցկացվեն այստեղ, շատ նուրբ դիվանագիտական են», - ասել է խոսնակը՝ անդրադառնալով Հայաստանի եւ Ադրբեջանի արտաքին գործերի նախարարներ Արարատ Միրզոյանի եւ Ջեյհուն Բայրամով բանակցություններին:

Նա ընդգծել է, որ բանակցությունները տեւելու են մինչեւ հունիսի 29-ը: «Պետք արտուղար Բլինքենը կհանդիպի Ադրբեջանի եւ Հայաստանի արտաքին գործերի նախարարների հետ: Մենք նախկինի պես հավատում ենք, որ խաղաղությունը հնարավոր է, եւ որ ուղիղ երկխոսությունը մնացած հարցերի լուծման եւ ամուր ու արժանապատիվ խաղաղության հասնելու բանալին է», - ասել է Մեթյու Միլլերը:

ՅԵՏԱԽՈՒՋՈՒՄ

ՆԱԽԿԻՆ ԹԱՂԱՊԵՏԸ ՄԵՂԱԳԻՐՎՈՒՄ Է

ՀՀ ներքին գործերի նախարարության նստիկանության Մրաբկիրի բաժնի կողմից հետախուզում է հայտարարվել Երևանի բնակիչ, Մրաբկիրի նախկին քաղաղես 55-ամյա Հովհաննես Շահինյանի նկատմամբ: Ինչպես հայտնում է ֆոտոլրագրող Գագիկ Շամբյանը, վերջինիս նկատմամբ հետախուզում է հայտարարվել ՀՀ ՔՐՕԻ 296 հոդվածի 3-րդ մասի 3-րդ կետի (փողերի լվացում առանձնապես խոշոր չափերով, որը դասվում է ազատազրկմամբ 6-12 տարի ժամկետով) հասկանիչներով: Հ. Շահինյանը չի ընդունում մեղադրանքը և հայտարարում է, որ իր նկատմամբ կատարվում է ֆալսֆական հետախուզում:



Հոդված 296. Փողերի լվացումը
1. Հանցավոր ճանապարհով ստացված գույքի փոխարկումը (կոնվերտացումը) կամ փոխանցումը (եթե հայտնի է, որ այդ գույքն ստացվել է հանցավոր գործունեության արդյունքում), որը նպատակ է ունեցել թաքցնել կամ խեղաթյուրել այդ գույքի հանցավոր ծագումը կամ օժանդակել որեւէ անձի, որպեսզի նա խուսափի իր կատարած հանցանքի համար պատասխանատվությունից, կամ գույքի իրական բնույթը, ծագման աղբյուրը, գտնվելու վայրը, տնօրինման եղանակը, տեղաշարժը, տեղաբաշխումը, իրավունքները կամ պատկանելությունը թաքցնելը կամ խեղաթյուրելը (եթե հայտնի է, որ այդ գույքն ստացվել է հանցավոր գործունեության արդյունքում) կամ գույք ձեռք բերելը կամ տիրապետելը կամ պահելը կամ օգտագործելը կամ տնօրինելը (եթե այդ գույքի ստացման պահին հայտնի էր, որ այն ստացվել է հանցավոր գործունեության արդյունքում) պատժվում է ազատազրկմամբ՝ երկուսից հինգ տարի ժամկետով:
2. Սույն հոդվածի 1-ին մասով նախատեսված արարքը, որը կատարվել է՝

1) մի խումբ անձանց կողմից նախնական համաձայնությամբ կամ
2) խոշոր չափերով՝ պատժվում է ազատազրկմամբ՝ հինգից տասը տարի ժամկետով:
3. Սույն հոդվածի 1-ին կամ 2-րդ մասով նախատեսված արարքը, որը կատարվել է՝
1) հանցավոր կազմակերպության կողմից,
2) իշխանական կամ ծառայողական լիազորությունները կամ դրանցով պայմանավորված ազդեցությունն օգտագործելով կամ
3) առանձնապես խոշոր չափերով՝ պատժվում է ազատազրկմամբ՝ վեցից տասներկու տարի ժամկետով:
4. Սույն հոդվածում խոշոր չափ է համարվում 5 միլիոն Հայաստանի Հանրապետության դրամը գերազանցող գումարը (արժեքը), իսկ առանձնապես խոշոր չափ՝ 10 միլիոն Հայաստանի Հանրապետության դրամը գերազանցող գումարը (արժեքը):
5. Սույն հոդվածի իմաստով՝ հանցավոր ճանապարհով ստացված գույք է համարվում սույն օրենսգրքի 121-րդ հոդվածի 10-րդ մասով սահմանված գույքը, որն ուղղակիորեն կամ անուղղակիորեն ստացվել է կամ առաջացել սույն օրենսգրքով նախատեսված հանցագործությունների կատարման արդյունքում:
Ծանուցում. Ենթադրյալ հանցանքի մեջ կասկածվողը կամ մեղադրվողը համարվում է անմեղ, քանի դեռ նրա մեղավորությունն ապացուցված չէ ՀՀ քրեական դատավարության օրենսգրքով սահմանված կարգով՝ դատարանի՝ օրինական ուժի մեջ մտած դատավճռով:

ԿԱՐԵՎՈՐ

ՎԹԱՐՆԵՐԻ ԹՎԻ ԱՃ

Ցուցանիշ	22-ում տեղի ունեցած ճՏՊ-ներ			Մինչև 18 տարեկանների մասնակցությամբ ճՏՊ-ները		
	ճՏՊ	գոն	վիրավոր	ճՏՊ	գոն	վիրավոր
2020	4016	348	5446	530	19	653
2021	4604	368	6699	635	21	765
2022	4608	321	6153	662	31	804
31.05.2023թ. դրությամբ	1652	114	2299	280	6	341

Վերջին շրջանում պարբերաբար տեղի են ունենում ճանապարհատրանսպորտային պատահարներ, որոնք, ցավոք, հաճախ ավարտվում են մահվան ելքով:
Վերջին տարիների վիճակագրությունը փաստում է, որ ավելացել է թե՛ ընդհանուր ճՏՊ-ների, թե՛ զոհերի ու վիրավորների թիվը: Մասնավորապես, աճել է անչափահասների մասնակցությամբ պատահարները:
Այսպիսով, 2020 թվականի 4016 պատահարի համեմատ՝ 2022 թվականին տեղի է ունեցել 4608 պատահար:
2022-ին տեղի ունեցած վթարներից 662-ը տեղի են ունեցել մինչև 18 տարին լրացած անձանց մասնակցությամբ, որոնց արդյունքում զոհվել է 31, վիրավորվել՝ 804 անչափահաս: Միեւնույն ժամանակ, 2020-ին տեղի ունեցած պատահարներից 530-ն է եղել անչափահասների մասնակցությամբ, որոնց արդյունքում զոհվել է 19, վիրավորվել՝ 653 անձ, որոնց 18 տարին լրացած չի եղել:
2023 թվականի առաջին հնգամսյակում մինչև մայիսի 31-ը, տեղի է ունեցել 1652 ճՏՊ, որից 280-ը՝ անչափահասների մասնակցությամբ: Վրոյուքնում 6 անչափահաս զոհվել է, 341-ը՝ ստացել տարբեր աստիճանի մարմնական վնասվածքներ:
Այս տարի տեղի ունեցած ճՏՊ-ների արդյունքում զոհվել է 114, վիրավորվել՝ 2299 անձ:
ՍԱՐԻԱՍ ՂԱԶՈՐՅԱՆ

ԽՈՒՆԻԳԱՆՈՒԹՅՈՒՆ

ՄԵՂԱԳԻՐԱՆՔ՝ ԵՐԵՔ ԱՆՉԻ

ՀՀ բննչական կոմիտեի Երևանի բաղա-
ֆի բննչական վարչության Ավան և Նոր
Նորք վարչական շրջանների բննչական
բաժնում իրականացված բննությամբ
դարզվել են մի խումբ անձանց կող-
մից խուլիգանություն կատարելու և
նստիկանների օրինական ծառայողա-
կան գործունեությանը միջամտելու
դեպի մի շարք հանցամասններ:
Քննությամբ ձեռք բերված փաստա-
կան տվյալների համաձայն՝ 2023 թվա-
կանի հունիսի 6-ին՝ ժամը 00:45-ի սահ-
մաններում, ՀՀ ՆԳՆ ոստիկանության
պարեկային ծառայության երկու պարեկ
Ավան վարչական շրջանում ծառայու-
թյուն իրականացնելիս ստուգման նպա-
տակով կանգնեցրել են «Սուգուկի» մակ-
նիշի ավտոմեքենան: Մոտենալով վա-
րորդին՝ Երեւանի 46-ամյա բնակչուհուն
պարեկներից մեկը խնդրել է ներկայաց-
նել ավտոմեքենայի տեխնիկական անձ-
նագիրը և վարորդական իրավունքի
վկայականը, որին ի պատասխան՝ կինը
հայտնել է, որ ունի վարորդական իրա-
վունքի վկայական, սակայն իր մոտ չէ, և
խնդրել է սպասել, մինչև կմոտեցնեն:
Մինչ այդ հիշյալ կինը թույլ չի տվել, որ-

պեսզի պարեկները նույնականացում
կատարեն, ինչպես նաև հրաժարվել է
տրամադրել անձնագիրը՝ հայտնելով
կեղծ տվյալներ, որոնք մուտքագրելիս
որեւէ տվյալ չի հայտնաբերվել: Բազմա-
թիվ այնուամենայնիվ հետո, երբ կինը թույլ
է տվել նույնականացնել դեմքով, պարզ-
վել է, որ վարորդական իրավունքի վկա-
յական չունի: Պարզվել է նաև, որ Նշված
ավտոմեքենան երթնելով է ոչ իրական
հաշվառման համարանիշներով, չի եղել
գործող ԱՊՊԱ պայմանագիր, տեխնի-
կական զննությունը ժամկետանց է եղել
կամ բացակայել է:
Պարեկային ծառայության աշխատա-
կիցները ցանկացել են կազմել արձա-
նագրություններ, որի ժամանակ նրանց
են մոտեցել մի շարք քաղաքացիներ՝
շուրջ 8 տղամարդ, որոնք գտնվել են ոչ
սթափ վիճակում, հնչեցրել հայհոյանքներ
և վիրավորական արտահայտություններ:
Նշված քաղաքացիներից մի քանիսը մո-
տեցել և փորձել են խոչընդոտել պարեկ-
ների օրինական գործողություններին:
Թույլ չեն տվել կազմել արձանագրու-
թյուններ: Այդ ընթացքում մոտեցել են
օժանդակ ուժեր և հիշյալ 4 տղամարդ-
կանց վարչական ձերբակալման ժամա-

նակ 46-ամյա կինը դուրս է եկել ավտոմե-
քենայի սրահից, հայհոյել, երկու ձեռքով
հարվածներ հասցրել պարեկի դեմքի շր-
ջանում՝ պատճառելով ֆիզիկական ցավ
և մարմնական վնասվածք: Բացի այդ,
անհետացել է նաև հիշյալ պարեկին կց-
ված տեսախցիկը:
Ձեռք բերված բավարար փաստերի հի-
ման վրա՝ 46-ամյա կնոջը մեղադրանք է
ներկայացվել՝ ՀՀ քրեական օրենսգրքի
452-րդ հոդվածի 3-րդ մասով և 297-րդ
հոդվածի 2-րդ մասի 1-ին կետով: Մեղադ-
րանքներ են ներկայացվել նաև հիշյալ
տղամարդկանցից երկուսին՝ ՀՀ քրեական
օրենսգրքի 297-րդ հոդվածի 2-րդ մասի 1-
ին կետով: 46-ամյա կնոջ և տղամարդ-
կանցից մեկի նկատմամբ որպես խա-
փանման միջոց է ընտրվել բացակայելու
արգելքը, իսկ մյուս տղամարդու նկատ-
մամբ կիրառվել է գրավը:
Նախաքննությունը շարունակվում է:
Ծանուցում. Ենթադրյալ հանցանքի
մեջ կասկածվողը կամ մեղադրվողը հա-
մարվում է անմեղ, քանի դեռ նրա մեղա-
վորությունն ապացուցված չէ ՀՀ քրեա-
կան դատավարության օրենսգրքով սահ-
մանված կարգով՝ դատարանի՝ օրինական
ուժի մեջ մտած դատավճռով:

ԳՐԱՄԱՀԱՎԱՔ՝ ՄԱՆԿԱԲՈՒՅԺՆԵՐԻՑ

Ամայա Գրիգորյանին մեղադրանք է
առաջադրվել, որ նա, աշխատելով
«Ստեփանավանի բժշկական կենտրոն»
ՓԲԸ-ում որպես ստացիոնար ծա-
ռայության կադրերի տեսուչ, Սույն ըն-
կերության տնօրենից հանձնարարու-
թյուն է ստացել կազմակերպել հաստա-
տության բուժաշխատողների մասնա-
գիտական կատարելագործման դասըն-
թացներին մասնակցությունը, որը եղել
է վճարովի հիմունքներով:
Վերջիններիս հետ անձնական փոխ-
հարաբերություններով ու վստահու-
թյամբ պայմանավորված՝ հիշյալ վճար-
ներն իր միջոցով փոխանցելու նպա-
տակով 2020 թվականի հուլիսի 8-ից
օգոստոսի 24-ն ընկած ժամանակա-
հատվածում մանկաբույժներից հավա-
քել է 60.000-ական, իսկ բուժքույրերից՝
50.000-ական ՀՀ դրամ, այնուհետև
իրեն փաստացի ազատ կամքով վս-
տահված խոշոր չափերով 2.340.000 ՀՀ
դրամը չի փոխանցել «Երեւանի Մխի-
թար Հեղափոխության անվան պետական
բժշ-
կական համալսարան» հիմնադրամ և
հափշտակել է, ինչի պատճառով կա-
տարելագործման դասընթացները տեղի
չեն ունեցել:
ՔՆԱՐ ՄԱՆՈՒԿՅԱՆ

● Ըստ ոստիկանության տվյալների՝ հունիսի 26-ից 27-ը Հայաստանի Հանրապետությունում բացա-
հայտվել է հանցագործության 53 դեպք, որոնցից 2-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՈՒՍՈՒՑԻՉՆԵՐԻ ԹԱՓՈՒՐ ՏԵՂԵՐ

ԿԳՄՍ նախարար Ժաննա Անդրեասյանը հունիսի 26-ին Ազգային ժողովում հայտարարել է, որ 12 տարի առաջ ուսուցիչների համար օրենքով սահմանվել է պահանջ, որպեսզի վերջիններն ունենան պարտադիր բարձրագույն կրթություն, ու նրանց տրվել է ժամանակ՝ այն ձեռք բերելու համար: Հանրակրթության համակարգում դեռևս կան 1300-ից ավելի ուսուցիչներ, որոնք միջին մասնագիտական կրթություն ունեն. նրանք, օգոստոսի 20-ից սկսած, այլևս չեն կարողանալու աշխատել դպրոցներում: Նախարարն ասել է, որ այդ ուսուցիչներին իրենք հնարավորություն են ընձեռել մասնակցել կամավոր ատեստավորման գործընթացին. եթե հավաքեն 60 տոկոս եւ ավելի միավոր, կորվի հնարավորություն՝ գործունեությունը շարունակելու: Եթե բարձրագույն կրթություն չունեցող ուսուցիչներին օգոստոսի 20-ից ազատեն աշխատանքից, Տավուշի մարզի դպրոցներում գոյություն ունեցող ուսուցիչների պակասն ավելի է սրվելու: Տավուշի մարզպետարանից ստացված տվյալներով՝ Տավուշի մարզի հանրակրթական 76 դպրոցներում ընդհանուր առմամբ աշխատում են 1830 ուսուցիչ եւ ուսուցչի օգնական: Նրանցից 1722-ն ունի բարձրագույն մակարձական կրթություն, 173-ը՝ բարձրագույն ոչ մակարձական կրթություն, 113-ը՝ միջին մասնագիտական կրթություն: Մարզի հանրակրթական դպրոցներում առկա է ուսուցչի 27 թափուր հաստիք՝ տարբեր առարկաների գծով: Տավուշի մարզի 76 հանրակրթական դպրոցների 113 ուսուցիչ աշխատանքից ազատելու դեպքում ո՞վ է փոխարինելու այդ ուսուցիչներին, ո՞վ է մեկնելու մարզի հեռավոր, սահմանամերձ գյուղեր, ցածր աշխատավարձով ուսուցչությամբ զբաղվելու: Մանկավարձական բուհերի, համալսարանների տավուշցի շրջանավարտների մեծամասնությունը ուսումնառությունից հետո Տավուշ չի վերադառնում, գերադասում է ոչ մանկավարձական աշխատանք գտնել Երևանում՝ մայրաքաղաքի հետ կապելով իր ճակատագիրը: Տավուշի մարզի դպրոցներում քիչ են տղամարդ ուսուցիչները, միջին մասնագիտական կրթությամբ ուսուցիչների մի մասը տղամարդիկ են, նոր ուսումնական տարվա նախաշեմին նրանց աշխատանքից ազատելու դեպքում մարզի հանրակրթական դպրոցներում ավելի է նվազելու տղամարդ մանկավարժների թիվը: Նախարար Ժաննա Անդրեասյանն ասել է, որ բարձրագույն կրթություն չունեցող մանկավարժները 12 տարի ժամանակ են ունեցել բարձրագույն կրթություն ձեռք բերելու համար: Մինչդեռ ուսուցչի ցածր աշխատավարձով յուրազանցող, հեռավոր, սահմանամերձ Տավուշի մարզի բնակիչ մանկավարժների մեծամասնությունը, կքած ընտանեկան հոգսերի տակ, բավարար ֆինանսներ եւ ժամանակ չեն ունեցել թեկուզ հեռակա կարգով բարձրագույն կրթություն ստանալու:

ՈՍԿԱՆ ՍԱՐԳՅԱՆ Տավուշ

ՀԱՅՏԱՐԱՐՈՒԹՅՈՒՆ

Table 1: ՀԱՇՎԱԳՆԱԳՎԱԼ ՀԱՇՎԵԿԵԻՈՒ ՍՈՒՄՆԵՐԻ 2022թ. (ՀԱՄԱՐ 31) - Երևանի մարզի հանրակրթական կրթության համակարգի մասին

Table 2: ՀԱՇՎԱԳՆԱԳՎԱԼ ՀԱՇՎԵԿԵԻՈՒ ՍՈՒՄՆԵՐԻ 2022թ. (ՀԱՄԱՐ 32) - Երևանի մարզի հանրակրթական կրթության համակարգի մասին

Մարզպետի կողմից ստորագրված և Գեղարքունիքի մարզպետի կողմից ստորագրված փաստաթուղթեր:

Table 3: Մուտքային աղյուսակ - Մարզի հանրակրթական կրթության համակարգի մասին

ՆՈՐ ՏԵՆՆԻԿԱԿ Է ՁԵՌՔ ԲԵՐՎԵԼ

«Մեր Մարզայանը 2017-ի նոյեմբերին հարցազրույցում հայտարարել է, որ մենք դասառասակամություն ենք հայցնել թողնել բոլոր 7 օրջանները, բայց Արդեշանն ամեն անգամ նոր դաժանություն էր առաջ քաշում. այսօր մենք էլ նոր դաժանություն ենք քաշում»,- 44-օրյա դասերազմի հանգամանակներում ուսումնասիրող ԱԺ ԳՆԻԽԻ ՀԱՆԳՆԱԿՆԵՐԻ ՎԱՐՈՒՄ ԿԱՐԳԵՆ ԵՎ ԳՐԱՐԱՆՈՒԹՅԱՆ ՆԻԿՈՂ ՓՈՒԿՅԱՆԸ:

Անդրադառնալով բանակին՝ Փաշինյանն ասաց. «Բանակի հետ կապված, ըստ էության, հետեյակն է արվել. արդյոք մարտունակության վիճակի մասին եղել են քննարկումներ: Այո, եղել են, եւ մինչև ներառյալ 2020-ի օգոստոսը ստացել են հավաստիացում, որ, իհարկե, շատ դժվար է լինելու, բանակը իր առջեւ դրված խնդիրը կատարելու է: Սա արձանագրում չէ, որ ուղղակի ի գիտություն է ընդունվել: 2018-ին եւ որդեգրել են «ամեն ինչ բանակի համար» քաղաքականությունը: Արդեն 2019-ին էականորեն բարձրացել են բանակում աշխատավարձերը, իրականացվել են սպառազինության եւ ռազմական տեխնիկայի գնումներ: Շատ է խոսվում այն մասին, որ իմ վարչապետ դառնալուց հետո սպառազինության եւ ռազմական տեխնիկայի ձեռք բերման պլանները փոխվել են, ձեւախելվել են: Ոչ մի բան չի փոխվել, պարզապես լրացուցիչ այլ տեխնիկա է ձեռք բերվել: Բացառված է, որ որևէ մեկը հիշի դեպք, որ բանակը կառավարության առջեւ դրել է խնդիր, եւ դա չի լուծվել այն պատճառով, որ փող չկա: Բայց շատ խնդիրների լուծում միայն փողի հետ չի կապված»: ՀՀ վարչապետը նաեւ հայտարարեց, որ իր վարչապետ դառնալուց հետո արտաքին քաղաքականության վերաբերյալ փոփոխության հարց չի քննարկվել: «Ուղիակառավար, մեր ընկալումը եղել է այն, որ նման փոփոխությունը կարող է ծանր հետեւանքներ ունենալ, հենց ԼՂ հակամարտության համատեքստում», - ասաց նա:

● Անցած 1 օրվա ընթացքում Հայաստանի Հանրապետությունում արձանագրվել է 8 ճՏՊ. 10 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՓՎԿԿԵՑ

ԱՇԽԱՏԱԿԻՑՆԵՐԻ ԱՆՀԱՅՑ ԸՆԿՈՒՄՆԵՐԻ ԴԱՎՏԱՍԳԻՐԸ



Հունիսի 30-ը Արտակարգ իրավիճակների նախարարության աշխատանքի վերջին օրն է: Գերատեսչությունը հուլիսից կգործի Ներքին գործերի նախարարության կազմում:

Համաձայն 2022 թվականի դեկտեմբերի 16-ին ընդունված «Կառավարության կառուցվածքի և գործունեության մասին» օրենքում փոփոխություններ եւ լրացումներ կատարելու մասին» ՀՀ օրենքի՝ ստեղծվել է Ներքին գործերի նախարարություն, որն իր մեջ ներառում է նաեւ Արտակարգ իրավիճակների նախարարության գործառնությունները: Ստացվում է՝ ԱԻ նախարար Արմեն Փամբուխչյանը եւ ԱԻՆ շուրջ 280 աշխատակից շուտով կման առանց աշխատանքի:

«Ժողովուրդ» օրաթերթը ԱԻ նախարարությունից փորձեց հասկանալ՝ ինչ ճակատագիր է սպասվում աշխատակիցներին եւ ԱԻ նախարարության շենքին, որը գտնվում է Ռաֆայելի վարչական շրջանում: Այսօր, «Ժողովուրդ» օրաթերթին ԱԻ նախարարությունից հայտնեցին, որ շուրջ 280 աշխատակիցներ ցանկության դեպքում կարող են մրցույթի մասնակցել եւ համարել ՆԳՆ շարքերը կամ էլ այլ ոլորտում շարունակել իրենց հետագա գործունեությունը:

Այսինքն՝ ստացվում է, ԱԻՆ աշխատակիցների ճակատագիրը դեռ անորոշ է, իրենք պետք է փորձեն իրեն համար աշխատանք գտնել, նախարարությունն այդ հարցով չի զբաղվելու: Ինչպես հայտնի է, Արմեն Փամբուխչյանը դեկավարելու է «Քաղաքացիական պայմանագիր» կուսակցության նախընտրական շտաբը Երեւանի ավագանու սպասվող ընտրություններում:

«Ժողովուրդ» օրաթերթը գրել էր, որ Արմեն Փամբուխչյանի համար աշխատանք գտնելը Նիկոլ Փաշինյանի համար առաջնային հարց է, բայց ինչ պաշտոն առաջարկում է Փամբուխչյանին, վերջինիս սրտով չի լինում: Ինչ վերաբերվում է ԱԻՆ շենքի ճակատագրին, մեզ հայտնեցին, որ այդ հարցը լինելու է կառավարության՝ հինգշաբթի օրվա նիստի օրակարգում: Կառավարության որոշմամբ՝ նախարարության շենքը, որը գույքը կտրամադրվի ՆԳՆ-ին, որն էլ արդեն կորոշի՝ շենքն ինչ նպատակով է օգտագործելու կամ ում է տրամադրելու:

ՔՐԻՍՏԻՆԱ ՍՈՒՇԵՐՅԱՆ

ՀԱՅՏԱՐԱՐՈՒԹՅՈՒՆ

ՀՐԱՊԱՐԱԿԱՅԻՆ ԾԱՆՈՒՑՈՒՄ

«Բի Էս Թի» ՍՊԸ-ն (այսուհետ՝ կազմակերպիչ) «ԵՐԵՎԱՆԻ ԱՊՐԱՆՔԱՅԻՆ ԲՈՐՍԱ» ՍՊԸ-ի հարթակում իրականացնելու է բաց աճուրդ համապատասխան փուլերով՝ «դասական» (գնի բարձրագույնը), այսուհետեւ «հուլանդական» (գնի նվազագույնը) եղանակներով: Աճուրդի ընթացքում վաճառվելու են հետևյալ լոտերը՝

- Սյունիքի մարզ, համայնք Գորիս, Գորիս ք., Վ. Մամիկոնյան փողոց, 7 հասցեում գտնվող 163,7 ք.մ. բնակելի տուն, 3,4 ք.մ. /7,8 խ.մ./ պարիսպ եւ 0,053 հա հողամաս: Լոտի մեկնարկային գինը՝ 13200000 ՀՀ դրամ:

- Արարատի մարզ, համայնք Տափերական, Վասպուրականի փողոց, 1/1 հասցեում գտնվող 0,0268 հա հողամաս: Լոտի մեկնարկային գինը՝ 2900000 ՀՀ դրամ:

Գույքերը հանդիսանում են «ՀԱՅԷԿՈՆՈՄԲԱՆԿ» ԲԲԸ-ի գրավի առարկա եւ զբաղեցված են գրավատուների կողմից: ՀՀ քաղ. օր-ի 272-րդ հոդվածի 2-րդ մասի համաձայն գույքի իրացումից հետո նոր սեփականատիրոջ պահանջով գրավատուն պարտավոր է մեկ ամսում ազատել գույքը:

Աճուրդի փուլերը՝ ք. Երեւան, Սայաթ-Նովա պողոտա, 40 շենք, թիվ 82/31 հասցեում 14.07.2023թ.-ին եւ 17.07.2023թ.-ին, Ժ.12:00-ին դասական եղանակով, այսուհետեւ յուրաքանչյուր աշխատանքային օր, նույն վայրում, նույն ժամին՝ հուլանդական եղանակով: Աճուրդի ավարտը՝ 29.12.2023թ.: Աճուրդի մասնակցության նախավճարը սահմանված է համապատասխան գույքի ընթացիկ մեկնարկային գնի 1%-ի չափով, որի վճարման վերջնաժամկետը սահմանված է յուրաքանչյուր աճուրդի փուլի օրվան նախորդող աշխատանքային օրվա ժամը 16:00-ն: Նախավճարը վճարվում է «Բի Էս Թի» ՍՊԸ -ի դրամարկղում՝ աճուրդի կայանում հասցեում, ՀՀ օրենսդրությամբ սահմանված կանխիկի շեմը չզերազանցելու դեպքում, կամ բանկային հաշվին («Արդ-շինբանկ» ՓԲԸ-ում՝ 2470103374150000 հաշվեհամարին), կամ կազմակերպչի կողմից տրված այլ հաշվեհամարին: Աճուրդին մասնակցելու համար անհրաժեշտ է ներկայացնել՝ ֆիզիկական անձանց համար անձը հաստատող փաստաթուղթ եւ Կազմակերպչի կողմից տրված մասնակցի վկայական (այսուհետ՝ աճուրդի վկայական), որը հաստատելու է նաեւ նախավճարի մուծման փաստը, իսկ իրավաբանական անձանց համար՝ կանոնադրությունը, իրավաբանական անձանց պետական գրանցման վկայականը, պաշտոնատար անձի կամ ներկայացուցչի լիազորությունները հաստատող փաստաթուղթ եւ աճուրդի վկայական:

Աճուրդում հաղթող է ճանաչվում այն անձը, ով առաջարկել է ամենաբարձր գինը: Վերջին ամենաբարձր գնային հայտ ներկայացրած մասնակիցը, աճուրդավարի մուրճիկի երրորդ հարվածից հետո, համարվում է աճուրդում հաղթած մասնակից: Աճուրդին մասնակցած, սակայն չհաղթած անձի մուծած նախավճարը վերադարձվում է աճուրդն ավարտվելուց հետո մեկ աշխատանքային օրվա ընթացքում: Նախավճարը ենթակա է վերադարձման, եթե աճուրդը համարվում է չկայացած: Եթե աճուրդում հաղթող ճանաչված անձը հրաժարվում է ստորագրել արձանագրությունը կամ առուվաճառքի պայմանագիրը, ապա նա կորցնում է իր մուծած նախավճարը: Եթե Կազմակերպիչը հրաժարվում է ստորագրել արձանագրությունը, ապա նա պարտավոր է աճուրդում հաղթող ճանաչված անձին վերադարձնել նախավճարը:

Լոտերն ուսումնասիրելու ցանկություն հայտնած անձինք կարող են սույն ծանուցման օրվան հաջորդող օրվանից մինչեւ աճուրդի ավարտի նախորդող օրը, յուրաքանչյուր աշխատանքային օր, Ժ. 10:00-ից մինչեւ 18:00-ն, այցելել վերը նշված հասցեներով եւ ծանոթանալ լոտերի հետ՝ այցելությունը նախապես համաձայնեցնելով Կազմակերպչի եւ Բորսայի հետ: Հարկային գործակալ հանդիսանալու դեպքում աճուրդում հաղթած մասնակցի կողմից լոտի գնի վճարելու կարգը սահմանվում է վաճառողի հետ՝ փոխհամաձայնեցված ժամկետներում: Սույն ծանուցումը կարող է փոփոխվել մամուլում հրապարակվելու միջոցով: Աճուրդների անցկացման կանոնակարգին կարող էք ծանոթանալ եւ անվճար ստանալ կանոնակարգի պատճենը, դիմելով Կազմակերպչին՝ ք. Երեւան, Սայաթ-Նովա պողոտա, 40 շենք, թիվ 82/31 հասցե: Բոլոր այլ տեղեկությունների համար կարող էք զանգահարել (011) 56-45-13 հեռախոսահամարով կամ այցելել www.ilcbst.am, www.borsa.am կայքեր:

ՀՐԱՊԱՐԱԿԱՅԻՆ ԾԱՆՈՒՅՈՒՄ

«Բի Էս Թի» ՍՊԸ-ն (այսուհետ՝ կազմակերպիչ) «ԵՐԵՎԱՆԻ ԱՊՐԱՆՔԱՅԻՆ ԲՈՐՍԱ» ՍՊԸ-ի հարթակում շարունակելու է «Արդ-շինբանկ» ՓԲԸ-ին (այսուհետ՝ բանկ) գրավի իրավունքով պատկանող հետևյալ լոտի բաց աճուրդը:

- Շիրակի մարզ, համայնք Գյումրի ք., Գորկու փողոց, 53 հասցեում գտնվող 91,34 ք.մ. բնակելի տուն եւ 0,007744 հա հողամաս: Լոտի մեկնարկային գինը՝ 15360023 ՀՀ դրամ:

Աճուրդի փուլերը հուլանդական եղանակով՝ ք. Երեւան, Սայաթ-Նովա պողոտա, 40 շենք, 82/31 հասցեում 14.07.2023թ.-ին, Ժ. 12:00-ին, այսուհետեւ յուրաքանչյուր աշխատանքային օր, նույն վայրում, նույն ժամին: Աճուրդի ավարտը՝ 14.08.2023թ.-ին:

Լոտի նկատմամբ սահմանափակումները՝ գույքը գրավադրված է:

Աճուրդի մասնակցության նախավճարը սահմանված է համապատասխան գույքի ընթացիկ մեկնարկային գնի 1%-ի չափով, որի վճարման վերջնաժամկետը սահմանված է յուրաքանչյուր աճուրդի փուլի օրվան նախորդող աշխատանքային օրվա ժամը 16:00-ն: Նախավճարը վճարվում է «Բի Էս Թի» ՍՊԸ -ի դրամարկղում՝ աճուրդի կայանում հասցեում, ՀՀ օրենսդրությամբ սահմանված կանխիկի շեմը չզերազանցելու դեպքում, կամ բանկային հաշվին («Արդ-շինբանկ» ՓԲԸ-ում՝ 2470103374150000 հաշվեհամարին), կամ կազմակերպչի կողմից տրված այլ հաշվեհամարին: Աճուրդին մասնակցելու համար անհրաժեշտ է ներկայացնել՝ ֆիզիկական անձանց համար անձը հաստատող փաստաթուղթ եւ Կազմակերպչի կողմից տրված մասնակցի վկայական (այսուհետ՝ աճուրդի վկայական), որը հաստատելու է նաեւ նախավճարի մուծման փաստը, իսկ իրավաբանական անձանց համար՝ կանոնադրությունը, իրավաբանական անձանց պետական գրանցման վկայականը, պաշտոնատար անձի կամ ներկայացուցչի լիազորությունները հաստատող փաստաթուղթ եւ աճուրդի վկայական:

Աճուրդում հաղթող է ճանաչվում այն անձը, ով առաջարկել է ամենաբարձր գինը: Վերջին ամենաբարձր գնային հայտ ներկայացրած մասնակիցը, աճուրդավարի մուրճիկի երրորդ հարվածից հետո, համարվում է աճուրդում հաղթած մասնակից: Աճուրդին մասնակցած, սակայն չհաղթած անձի մուծած նախավճարը վերադարձվում է աճուրդն ավարտվելուց հետո մեկ աշխատանքային օրվա ընթացքում: Նախավճարը ենթակա է վերադարձման, եթե աճուրդը համարվում է չկայացած: Եթե աճուրդում հաղթող ճանաչված անձը հրաժարվում է ստորագրել արձանագրությունը կամ առուվաճառքի պայմանագիրը, ապա նա կորցնում է իր մուծած նախավճարը: Եթե Կազմակերպիչը հրաժարվում է ստորագրել արձանագրությունը, ապա նա պարտավոր է աճուրդում հաղթող ճանաչված անձին վերադարձնել նախավճարը:

Նախքան աճուրդի ավարտն աճուրդային լոտի նկատմամբ բանկի գրավի կամ սեփականության իրավունքի դադարման հետեւանքով աճուրդի մասնակիցների կորուստների եւ վնասների համար բանկը որեւէ պատասխանատվություն չի կրում:

Լոտն ուսումնասիրելու ցանկություն հայտնած անձինք կարող են սույն ծանուցման օրվան հաջորդող օրվանից մինչեւ աճուրդի ավարտի նախորդող օրը, յուրաքանչյուր աշխատանքային օր, Ժ. 10:00-ից մինչեւ 18:00-ն, այցելել վերը նշված հասցեով եւ ծանոթանալ լոտի հետ՝ այցելությունը նախապես համաձայնեցնելով Կազմակերպչի եւ Բորսայի հետ: Հարկային գործակալ հանդիսանալու դեպքում աճուրդում հաղթած մասնակցի կողմից լոտի գնի վճարելու կարգը սահմանվում է վաճառողի հետ՝ փոխհամաձայնեցված ժամկետներում: Սույն ծանուցումը կարող է փոփոխվել մամուլում հրապարակվելու միջոցով: Աճուրդների անցկացման կանոնակարգին կարող էք ծանոթանալ եւ անվճար ստանալ կանոնակարգի պատճենը, դիմելով Կազմակերպչին՝ ք. Երեւան, Սայաթ-Նովա պողոտա, 40 շենք, թիվ 82/31 հասցե: Բոլոր այլ տեղեկությունների համար կարող էք զանգահարել (011) 56-45-13 հեռախոսահամարով կամ այցելել www.ilcbst.am, www.borsa.am կայքեր:

«Ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՆԱԽԱԳԻԾ

Ո՞Վ Է «ՏԻԿԻՆ ՆԱԽԱՐԱՐ» ՖԻԼՄԻ ՀԵՐՈՍՈՒՂԻՆ

«Ժողովուրդ» օրաթերթը ամիսներ առաջ գրել էր, որ Հանրային հեռուստաընկերությունը նկարահանում է մի քանի մասից բաղկացած գեղարվեստական ֆիլմ «Տիկին նախարար» վերնագրով, որտեղ գլխավոր դերերում են դերասան Աբել Աբելյանը, որը մարմնավորում է վարչապետին, և դերասանուհի, ռեժիսոր Ֆրիդա Յոբքը, որը մարմնավորում է դաշնակցության կին նախարարի կերպարը:

Իսկ ո՞վ է «Տիկին նախարար»-ի կերպարը մարմնավորող դերասանուհին: Ֆրիդա Յոբքը հայ դերասանուհի է, որին հանրությունը ճանաչեց «Գարեգին Նժդեհ» ֆիլմից, որտեղ նա մարմնավորում էր Գոհարի կերպարը: Դերասանուհին նկարահանվում է ինչպես հայկական, այնպես էլ ռուսական արտադրության ֆիլմերում:

Նշենք, որ ավելի վաղ «Ժողովուրդ» օրաթերթի հետ զրույցում դերասան Աբել Աբելյանը, անդրադառնալով իր դերին, ասել էր, որ յուրաքանչյուր դերասանի համար մեծ պատասխանատվություն է վարչապետի կերպարը մարմնավորելը:

«Նախագծին մասնակցելու առաջարկը ստացել եմ ընկերոջիցս և սիրով ընդունել եմ: Այս պահին միայն կարող եմ ասել, որ նախագծի նկարահանումներն ավարտվել են»,- նշեց նա՝ հավելելով, որ տեղյակ չէ, թե որ հեռուստաընկերությունն է նախագծի պատվիրատուն:

Հիշեցնենք, որ ֆիլմի սյուժեի հիմքում Պաշտպանության նախարարությունն է, որի միջոցով փորձում են առաջին պլան մղել կին զինվորականին և նրան դարձնել պաշտպանության նախարար, սակայն այդ ընթացքում հանդիպում են բազում խոչընդոտների: Հենց այս ամենի շուրջ էլ հյուսվում է ողջ ֆիլմի պատմությունը:



Ավելին՝ մեզ հասած տեղեկությունների համաձայն՝ Հանրային հեռուստաընկերությանը նման ֆիլմի նկարահանումը պատվիրել է ՀՀ վարչապետի տիկին Աննա Հակոբյանը:

ԼԻՂԱ ԵՐԻԱԶՈՐՅԱՆ

ՄԱՐԶԱԿԱՆ

ՀՖՖ-Ն ՏՈՒԳԱՆԵԼ Է

Հայաստանի ֆուտբոլի ֆեդերացիայի կարգապահական և էթիկայի կոմիտեն տուգանել է «Արարատ-Արմենիա ՖԱ» ԲԲԸ-ին, «Շիրակ ՖԱ» ՀԿ-ին, «Փյունիկ ՖԱ» ՀԿ-ին, «ՖԱ Ուրարտու» մարզական ՀԿ-ին, «Արարատ ՖԱ» Հ/Ձ ՓԲԸ-ին, «Լեռնային Արցախ ՖԱ» ՍՊԸ-ին, «Նոա ՖԱ» ՀԿ-ին ՀՖՖ ակումբների արտոնագրման կանոնակարգի հոդված 19-ով սահմանված չափանիշներին չբավարարելու համար:

(Հոդված 19. Ֆուտբոլի թիմը 19.01. Արտոնագրման թեկնածուն իր կազմում պետք է ունենա առնվազն մեկ ֆուտբոլի թիմ, որը մասնակցում է ՀՖՖ կողմից կազմակերպված ազգային, շրջանային կամ տեղական մակարդակով կազմակերպած պաշտոնական մրցաշարի): Նշված ակումբները տուգանվել են մինչև ևսկազմում աշխատավարձի երկուհարյապատիկի (2,000,000 ՀՀ դրամ) չափով:

ՄԻԱԿԸ, ՈՎ ԿՐԱԿԹԻ

Լաս Վեգասում անցկացված խառը մենամարտերի UFC on ESPN 47 մրցաշարում հաղթանակ տարած Արման Ծառուկյանը (20-3) դարձյալ խոսել է թեթև քաշային կարգում UFC չեմպիոն Իսլամ Մախաջեի (24-1) հետ հնարավոր ռեանջի մասին:

«Դիվիզիոնում ես միակն եմ, ով կարող է հաղթել Իսլամ Մախաջեին: Ցանկանում եմ մենամարտել նրա հետ: Դա երազանքի մենամարտ է: Այդ պատճառով էլ իմ հարցազրույցներում միշտ հիշատակում եմ նրան:

Ես կենտրոնացած եմ չեմպիոն դառնալու վրա: Այո, կլինի կարիերայիս ամենաբարդ մենամարտը, բայց ես կարող եմ չեզոքացնել Իսլամի ընթացմարտը և կանգնած դիրքում հաղթել: Ես վստահ եմ, որ ավելի լավ եմ ռեանջամարտում և հարվածում ոտքերով: Ես գիտեմ ինչպես հաղթել նրան»,- ասել է Արման Ծառուկյանը LowKick MMA յուրօրյան ակիբի թեթրում: Լաս Վեգասում Արման Ծառուկյանը երրորդ ռաունդում տեխնիկական նոկաուտով պարտության էր մատնել բրազիլացի Ժոակին Սիլվային (12-4):

ՊԱՅՄԱՆԱԳԻՐԸ ԵՐԿԱՐԱԶԳՎԵՑ

Երեւանի «Արարատ» ակումբի և վերջինիս գլխավոր մարզիչ Գագիկ Սիմոնյանի միջև պայմանագրի ժամկետը երկարաձգվել է: Գագիկ Սիմոնյանի գլխավորությամբ «Արարատ»-ն անցկացրել է 2022/23 մրցաշրջանի վերջին 12 հանդիպումները՝ գրանցելով չորս հաղթանակ, չորս ոչ-ոքի և չորս պարտություն: 51-ամյա Գագիկ Սիմոնյանը որպես ֆուտբոլիստ խաղացել է «Վան»-ում, «Արարատ»-ում, «Բանանց»-ում և «Ուլիս»-ում, ինչպես նաև Լիբանանի առաջնության ՀՄՄ և «Թադամոն Սուր» ակումբներում: Գագիկ Սիմոնյանը նաև մեկ հանդիպում է անցկացրել Հայաստանի Ազգային հավաքականում: Որպես մարզիչ աշխատել է նաև Երեւանի «Ուլիս»-ում: Գագիկ Սիմոնյանի մարզչական շտաբում կշարունակեն աշխատել Գեորգ Պողոսյանը, Ռաֆայել Սաֆարյանը և Արա Աբրահամյանը:

ՀՈՐԵԼՅԱՆ

ՀԱՆՌԻԵՍ ԿԳԱՆ ՀԱՏՈՒԿ ՀԱՄԵՐԳՈՎ

Ֆրանսիացի մեծանուն կոմպոզիտոր Օլիվիե Մեսսիանի 115-ամյակի կառուցվածքում հայ անվանի երաժիշտները՝ դաշնակահար Հայկ Մելիքյանը և ջութակահար Անուշ Եփրայիմյանը, հանդես կգան կոմպոզիտորի նվիրված համերգով կասարելով նրա խոհափիլիսոփայական երաժեցությունը:

Համերգային երեկոն, որն անցկացվում է Հայաստանում Ֆրանսիայի դեսպանության, Հայաստանի Ֆրանսիական ինստիտուտի հետ համագործակցությամբ, տեղի կունենա հուլիսի 6-ին Կոմիտասի անվան կամերային երաժշտության տանը:

Համերգին բացման խոսքով հանդես կգա Ֆրանսիայի արտակարգ և լիազոր դեսպան Անն Լույոն, իսկ երաժիշտները կկատարեն կոմպոզիտորի և նրան նվիրված մի շարք գլուխգործոցներ: Սա բացառիկ հնարավորություն է մասնագետների և երեւանյան երաժշտասեր հասարակության համար՝ ըմբռնելու ստեղծագործություններ, որոնք Հայաստանում հազվադեպ են հնչում:

«Համերգն ունի խորհրդանշական կարևորություն՝ հաշվի առնելով հայ-ֆրանսիական բարեկամական հարաբերությունները և մեծ կոմպոզիտորի ստեղծագործությունների հանրառեզակման անհրաժեշտությունը մեր երկրում»,- նշում է համերգի կազմակերպիչ, պրոդյուսեր Ալեքսանդր Պլատոն Հակոբյանը:



համերգի կազմակերպիչ, պրոդյուսեր Ալեքսանդր Պլատոն Հակոբյանը:

● Հունիսի 30-ին «Բոհեմ» թատրոնում տեղի կունենա «Սե լա վի» ներկայացումը: Տոմսերի արժեքը՝ 2000-5000 դրամ: Սկիզբը՝ ժամը 19:00-ին:



Էջը՝ ՍՅՈՒՆԷ ՀԱՍՔԱՐՁՈՒՄՅԱՆԻ

ԱՊԱՍՏԱՐԱՆ

ՀԱՐՑ. Որո՞ւ ժամանակ առաջ ռուս էին լսում աղաստարանների և բախտոցների մասին. խնդրում են բացատրել դրանց սարքերությունը:
Ռաֆայել Հազեյան (36 տարեկան)



ՊԱՍՏԱՐԱՆ. Ապաստարանները քաղաքացիական պաշտպանական հատուկ կառույցներ են, որոնք նախատեսված են հակառակորդի զինատեսակների (այդ թվում՝ միջուկային) բոլոր խոցող գործոններից պաշտպանելու համար: Ապաստարանները կառուցվում են ռազմավարական նշանակություն ունեցող կազմակերպությունների տարածքներում՝ անձնակազմը պատասպարելու համար:

Ինչպես նախկինում, այնպես էլ ներկայումս բնակչության պատասպարումը կազմակերպվում է պարզագույն թաքստոցներում՝ նկուղային և կիսանկուղային հարկերում, հանքախորշերում, ստորգետնյա անցումներում և այլ խորացված տարածքներում (մետրոպոլիտենի կայարաններում), որտեղ կազմակերպվում են բնակչության կենսապահովման համար նվազագույն պայմաններ:

ՀՀ արտակարգ իրավիճակների նախարարություն

«ԺՈՂՈՎՈՒՐԳ». Պարզագույն թաքստոցներն իրենց պաշտպանական հատկանիշներով նվազեցնում են զինատեսակների հարվածային ալիքի և բեկորների ներգործությունները:

ՍԱԿԱԳԻՆ

ՀԱՐՑ. Ի՞նչ սկզբունքով է որոշվում նախատեսվող արեւային կայաններում արտադրող էլեկտրաէներգիայի սակագինը:
Բագրատ Միքայելյան (46 տարեկան)



ՊԱՍՏԱՐԱՆ. Համակարգային, այսինքն՝ մեծ, արեւային կայաններում արտադրված էլեկտրաէներգիայի սակագինը որոշվելու է միջազգային մրցույթի արդյունքում:

ՀՀ էներգետիկ ենթակառուցվածքների և բնական պաշարների նախարարություն

«ԺՈՂՈՎՈՒՐԳ». Ներկա պահին կոնկրետ տեղանքների համար իրականացվում են նախագծման աշխատանքներ: Նախատեսվում է, որ այս տարվա նոյեմբերից նախագծված կայանները կդրվեն մրցույթի: Ամենացածր սակագինն առաջարկող ներդրողը կստանա կառուցման իրավունք:

ՏԵՂԵԿԱՅՎԱԾ

ԼՈՒՐ ԿԱԴՐ

Լուսանկարն արվել է Երեւանում



ՀՀԴ Հայաստանի գերագույն մարմինը նախաձեռնել է 24-ժամյա նստացույց՝ ՀՀ-ում ԱՄՆ-ի, Ռուսաստանի Դաշնության, Ֆրանսիայի Հանրապետության դեսպանատների և ԵՄ ներկայացուցչության դիմաց:

Նստացույցի նպատակն է ԵԱՀԿ Մինսկի խմբի համա-նախագահ երկրներից և ԵՄ-ից պահանջել չբավարարվել լուրջ հայտարարություններով, այլ գործուն քայլեր ձեռնարկել Ադրբեջանի կողմից Արցախի շրջափակումն անհապաղ վերացնելու ուղղությամբ:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), և մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը և ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային ես/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



☀	Շիրակ	+10 +15 +19 +23	☀	Արարատ	+18 +20 +32 +34
☀	Կոտայքի լեռներ	+10 +14 +20 +22	☀	Արմավիր	+16 +20 +31 +33
☀	Կոտայքի նախալեռներ	+15 +18 +27 +30	☀	Վայոց ձորի լեռներ	+10 +13 +23 +26
☀	Գեղարքունիք	+10 +14 +20 +24	☀	Վայոց ձորի նախալեռներ	+18 +21 +33 +35
☀	Լոռի	+11 +16 +20 +25	☀	Սյունիքի հովիտներ	+19 +24 +30 +35
☀	Տավուշ	+16 +20 +23 +28	☀	Սյունիքի նախալեռներ	+13 +17 +24 +28
☀	Արագածոտնի լեռներ	+9 +13 +18 +21	☀	Արցախ	+18 +21 +28 +33
☀	Արագածոտնի նախալեռներ	+15 +18 +26 +31	☀	Երեւան	+18 +20 +31 +33

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ.՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 27.6.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում և չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: